



Drveni klaster "Namještaj i drvo"

PREDMET: Poziv kompanijama iz Bosne i Hercegovine za učešće pod povoljnim uslovima na Međunarodnom sajmu namještaja, unutrašnjeg uređenja i prateće industrije „AMBIENTA 2019“ - ZAGREB, od 9. do 13. oktobra 2019.

Međunarodni sajam namještaja, unutrašnjeg uređenja i prateće industrije „Ambienta“ – Zagreb, poslovni je događaj od iznimnog značaja za drvenu industriju i dizajn interijera koji će se održati **od 9. do 13. oktobra 2019.** na Zagrebačkom velesajmu. Vrlo je priznat, zauzima veliku važnost, a istovremeno mijenja i određuje trendove u industriji namještaja širom svijeta. Sajam je namijenjen proizvođačima namještaja, menadžerima, veleprodajnim i maloprodajnim distributerima. Sajam predstavlja izuzetnu priliku proizvođačima da svoje proizvode i novitete prezentiraju trgovcima, dizajnerima, arhitektama i kupcima namještaja u Hrvatskoj i drugim zemljama.

Također, sajam je idealna prilika za većinu kompanija iz Bosne i Hercegovine koje se bave proizvodnjom namještaja i repromaterijala, jer fokus nije isključivo na dizajnu, nego na funkcionalnosti i kvalitetu proizvoda. O značaju samog sajma govore i iskustva BiH kompanija koja su do sada izlagala na sajmu.

Zbog kvalitete sajma Drveni klaster "Namještaj i drvo" je odlučio zajedno sa svim zainteresovanim kompanijama koje iskažu interes izlagati na sajmu namještaja „Ambienta“ - Zagreb pod vrlo povoljnim uslovima jer je obezbijedio značajno sufinansiranje troškova sajma od strane svojih partnera.

Troškovi koje snose firme iz Bosne i Hercegovine: - Participacija u zakupu prostora štanda u iznosu do 50% cijene sa PDV-om neuređenog prostora. -Troškovi putovanja i smještaja za svoje predstavnike; - Troškovi transporta i špedicije svojih eksponata do Zagreba i nazad.

Kriteriji za učešće firmi: - Firma je izlagač namještaja proizvedenog u BiH, i to: namještaja za opremanje enterijera – trpezarija, dnevna soba, spavaća soba, dječija soba, poslovni prostori, apartmani, ugostiteljski objekti, hoteli i dr.

Dr. Silve Rizvanbegović 24 A,
71000 Sarajevo
JIB: 4202517430001
Tel.: +387 61 162 591
E-mail: office@furniturewood.ba



Drveni klaster "Namještaj i drvo"

- Firma je strateški opredijeljena za izvoz na tržište Hrvatske i EU i ima adekvatan kvalitet proizvoda- Firma je spremna participirati u troškovima vlastitog učešća-Firma je odgovorna za pripremu, pakovanje i transport vlastitih eksponata do sajma u Zagrebu i lokacije štanda, te pakovanje i transport eksponata nazad u BiH; -Firma će osigurati prisustvo najmanje jednog predstavnika cijelo vrijeme trajanja sajma, što uključuje i pripremni period (od 08-14.10.2019.). Prednost imaju firme koje su članovi Drvnog klastera.

Minimalna kvadratura po firmi iznosi 15 m², a maksimalna kvadratura nije ograničena.

Selekcija učesnika - Selekcija uključuje intervju sa ovlaštenim predstavnicima prijavljene kompanije i dostavu dodatnih informacija o firmi (podaci o kompaniji, slike proizvoda/eksponata, itd). Firme koje zadovolje kriterije selekcije, bit će pozvane da u kratkom roku izvrše uplatu participacije po osnovu ispostavljene fakture, čime potvrđuju svoje učešće. Firma koja ne izvrši uplatu participacije do definisanog roka bit će eliminisana, a organizator će na učešće pozvati drugu kompaniju koja zadovoljava kriterije.

Pozivamo Vas da izrazite svoj interes za učešće na sajmu, kako bi Vam mogli poslati prijavni obrazac za učešće na ovom prestižnom 46. Međunarodnom sajmu namještaja, unutrašnjeg uređenja i prateće industrije „Ambienta 2019“ – Zagreb.

Rok za prijavu je 15.07.2018. godine.

Kontakt osoba za dodatna pitanja: Dinko Mujkić tel. 061 162 591, e-mail office@furniturewood.ba

Sarajevo, 11.06.2019.